

समे – 12:25

<><><><><>

एह आकाशवाणी जम्मू ऐ. हुन तुस जगमोहन शर्मा कोला खबरां सुनो।

Parliament-Adjournment

संसद दे दौनें सदनें दी कारवाई अज्ज इक बारी परतियै स्थगित करनी पेई। बडलै संसद दी बैठक दे शुरू होदे गै कांग्रेस, समाजवादी पार्टी, डीएमके ते होर दुए विरोधी पार्टिएं दे सांसद इक बपार घराने आस्सेआ कथित तौरा पर गुज्जखोरी दे मुद्दे गी लेइयै डंड रौली पान लगी ने ते बार बार ठाकने पर बी आखे नेई लगने पर कारवाई 12 बजे तगर स्थगित करी दित्ती गई ते हुन जिसलै 12 बजे परतियै मिंबर किट्टे होए तां डंड रौली दा सिलसिला परतियै शुरू होई गेदा ऐ ते इस हंगामे दे चलदे एह कारवाई कल बडलै 11 बजे तगर स्थगित करी दित्ती गई। एह्दे शा पैहले अज्ज बडलै हालिया उपचुनाएं च जित्तियै आए दे कांग्रेस दे प्रियंका गांधी वाडरा ते रविन्द्र वसंतराव चव्हाण होरें बतौर सांसद सगंध चुक्की।

<><><><><>

PM Youth Quiz

प्रधानमंत्री नरेंद्र मोदी होरें नौजवानें दा आह्वान कीता ऐ जे ओह विकसित भारत क्विज च हिस्सा लैन जेह्दे नै उंदा ऐतिहासिक विकसित भारत युवा नेता वार्ता च हिस्सा लैना जकीनी बनी सकदा ऐ। विकसित भारत प्रश्नोत्तरी इक चऊं चरणें दी चुनौती ऐ जेदे च नौजवानें गी ऑल इंडिया डिजिटल क्विज मुकाबलेबाजी च हिस्सा लैने ते अपने विचार सांझे करने लेई साहा दित्ता गेदा ऐ। 25 नवंबर गी शुरू होई दी एह प्रतियोगिता 5 दिसंबर तोहड़ी चलोग। एह प्रतियोगिता 15 कोला 29एं बरें दी उम्री दे सब्बनें नौजवानें लेई खुल्ली ऐ। सोशल मीडिया दी इक पोस्ट च प्रधानमंत्री होरें आखेआ जे एह नौजवानें दा इक महत्वपूर्ण योगदान होग जेह्दे राएं ओह विकसित भारत दे लक्ष्य गी हासल करी सकडन। मोदी होरें आखेआ जे एह युवाएं दे नमें विचारें गी सरकार तगर पुजाने दा विशेष मौका ऐ।

<><><><><>

Jammu-NSG Hub

केंद्री गृह मंत्रालय नै कुसै बी बड़े आतंकवादी हमले दा मुकाबला करने लेई जम्मू शैहरा च राष्ट्री सुरक्षा गार्ड-एन.एस.जी दा इक स्थाई केंद्र खडेरया ऐ। आकाशवाणी दे जम्मू संवाददाता दी रिपोर्ट मूजब, आतंकवादी हमले दी सूरत च एह केन्द्र तुरत सक्रिय होई जाह्ग ते आतंकवादिएं दा मुकाबला करदे होई स्थिति पर काबू पाग। एह केंद्र जम्मू खित्ते दे बक्ख-बक्ख जिलें च सुरक्षा बलें पर होए दे आतंकवादी हमलें दे बाद ते आतंकवादिएं आसेआ जम्मू गी निशाना बनाए जाई सकने दिएं रिपोर्टें दे मगरा बनाया गेआ ऐ। एनएसजी कमांडोएं दी तैनाती जम्मू-कश्मीर पुलस आसेआ जम्मू-कश्मीर लेई तैयार कीती गेदी आतंकवाद विरोधी योजना दा हिस्सा ऐ। इनें कमांडोएं दी तैनाती उच्चिएं इमारतें, सुरक्षा प्रतिष्ठानें ते संवेदनशील सार्वजनिक थाहरें पर कीती गई ऐ तां जे कुसै बी चाल्ली दे आतंकवादी हमले कन्ने तुरत निब्बड़ेआ जाई सकै।

<><><><><>

LG-Sanskrit Award

उपराज्यपाल मनोज सिन्हा होरें आखेआ ऐ जे भारत, अपने समृद्ध सगोसार ऐतिहासिक ते सांस्कृतिक विरसे ते बड़े मते प्रतिभाशाली मनुकखी वसीलें दी बदौलत, 2047 तगर भारत गी इक विकसित मुख्य बनाने दे लक्ष्य आली बक्खी तेजिया कन्ने अगड़े बघै करदा ऐ। उनें आखेआ जे इस यात्रा च, हर क्षेत्र दे जागृत लोकें टकोहदा करिये सांसदानें ते अध्यात्मिक गुरुएं दे अगो औने दी लोड़ ऐ तां जे ओ इस विकास प्रक्रिया च अपना महत्वपूर्ण योगदान देई सकन। एह

गल्ल उने कल जम्मू च श्री कैलख जोतिश ते वैदिक संस्थान ट्रस्ट आस्सेआ आयोजित कार्यक्रम च आक्खी, जेह्दे च उने परम पुज्य निरजन पीठाधीश्वर श्री श्री 1008 आचार्य महामंडलेश्वर स्वामी कैलाशनंद गिरि जी महाराज होरे गी 2024 बरे दे कैलाख संस्कृत रत्न अवार्ड कन्ने सम्मानित कीता। इस मौके उपराज्यपाल होरे भारत दे समृद्ध सगोसार परम्पराएं ते सांस्कृतिक विरसे दे संरक्षण ते इसी बढ़ावा देने दे सरकार दे धेइयै गी फही पक्का कीता ते आह्वान कीता जे तरक्की दा लाह समाज दे भलेया हेठली सतह तगर बी लोके तगर पुज्जै, एह्दे लेई सब्बने गी किट्ठे रलियै जतन करने होंगन।

<><><><><><>

Jammu-Hindi Conference

संस्कृति मैहकमे दे प्रधान सचिव सुरेश कुमार गुप्ता होरे कल जम्मू दे के.एल.सहगल हाल च दऊं दिने दे हिंदी सम्मेलन दा उद्घाटन कीता जेह्दा विषय ऐ “जम्मू कश्मीर का हिंदी साहित्य कल आज और कल”। जम्मू कश्मीर कला संस्कृति ते भाषा अकादमी आस्सेआ आयोजित इस कार्यक्रम दी शुरुआत अकादमी च, प्रभारी हिंदी सम्पादक डॉ. चंचल शर्मा हुंदे आस्सेआ सरस्वति वंदना कन्ने होई। इस मौके प्रधान सचिव होरे वक्ताएं दी अभिव्यक्ति दी सराहना कीती जिने जम्मू कश्मीर दे हिंदी साहित्य पर लोह पाई। कार्यक्रम “नावल लेखन ते कविता लेखन दे बारे च दऊं पेपर बी पढ़े गे।

<><><><><><>

IFFI-Goa

भारत दा 55मां अंतर्राष्ट्रीय फिल्म समारोह अज्ज समाप्त होआरदा ऐ। आकाशवाणी दे जम्मू संवाददातर नै जानकारी दिती ऐ जे अज्ज इस समारोह दे खीरले दिन फिल्म निर्माता रमेश सिप्पी इक सत्र गी संबोधत करगन। सत्र दा विशे ऐ—सिनेमा च रचनात्मक भविष्य आस्तै युवाएं दा सशक्तिकरण। मगरा सिप्पी मोहित सोनी हुंदे कन्ने उम्कृष्ठा आस्तै जुनून विषय पर रमेश सिप्पी हुंदे कन्ने गल्ल करगन। समारोह च अज्ज पैहली बारी निर्देशन करने आले भारतीय निर्देशकें च इक मनोहर के. हुंदी फिल्म मिक्का बन्नाडा हक्की दस्सी जाग। जिसलै के फिल्मोत्सव दी समापन फिल्म झाई सीजन अज्ज दऊं सिनेमाघरे च दस्सी जाग।

<><><><><><>

Ramban-BBBP

रामबन दे समाज कल्याण विभाग नै तैहसील प्रशासन खारी दे सैहयोग कन्ने बेटी बचाओ बेटी पढ़ाओ पैहलकदमी दे तैहत सरबंधत अधिकारिएं, स्वयंसेविएं ते होरने सरबंधत धड़ें लेई समर्थ निर्माण ते सिखलाई कार्यक्रम दा सरिस्ता कीता जिस दरान मता ध्यान “बाल विवाह मुक्त भारत” अभियान पर केन्द्रित कीता गेआ। इस कार्यक्रम दा मकसद इने लोके गी कुड़िएं दे सशक्तिकरण ते बच्चे दे ब्याह रोकने लेई सरकार आस्सेआ कीते गेदे हीले बारे जागरूकता पैदा करना हा।

<><><><><><>

Weather

जम्मू कश्मीर च इस म्हीने दे खीरै थमां 3 दिने तगर बरखा ते बर्फबारी दी पेशगोई कीती गई ऐ। आकाशवाणी जम्मू संवाददाता दी रिपोर्ट मूजब मौसम विभाग नै 29 नवम्बर तोड़ी आम तौरा पर मौसम खुशक रौहने ते 30 नवम्बर थमां हल्की बरखें ते हल्की बर्फबारी दी पेशगोई कीती गई ऐ। तोआई कश्मीर घाटी च सीत बधी गेआ ऐ ते रीनगर ते कोकरनाग गी छोड़ियै पूरी कश्मीर घाटी च जंदी रातीं दा घट्टोघट्ट तापमान सीफर कोला हेठ दर्ज कीता गेआ।

<><><><><><>